



王士博集序



文章與業運相而成者三
 代而六實蓋以文鳴於漢唐
 杜韓柳以文鳴於唐歐蘇
 以文鳴於宋歐之代以文
 有氏之文以鳴其氣也
 國宗文而祚運百年之久
 而濟之王公出焉公生當其
 會其宗傑之才而文不強思
 慮為數千言以縱橫張

卷之二 序

馳不先其正詩尤以易通
暢不事艱刻時笑與寫
皆成文章然章家雄偉
文里煥發如长虹亘天光
耀第文可以追迓李杜諸
之

其深莫測乃又則公之
亦即而出為一代無字者
遠播敬供而傳久矣次吾
已情高君錄所見洵以刻
於學舍層序於予之路與

之見其晦矣忠難恒伏草
聖其坐君憂國忘死刑
於詩章則先守名在物
可知已此言君刻之不老
也豈獨取其久而已哉
名越字世昌裝身科其
官至大中進爵咸寧伯沈
而孫之

孝宗初沒起為太傅故是
集以官名高君名德宗字

信之振鐸有聲 距人崇
經于林云

嘉靖元年一月吉旦

賜進士出身資序大夫少

上卿 尚京刑部尚書

黎陽 裴汝公集

序

十四

仕吳江吳洪序

黎陽王襄敏公全集序

文章氣節功業昔人蓋屢譚之然本
實蹶葉棄於榮華游詞勝勲湮於表
著間有掀揭揚聲而曲爲泆恣依阿
以就隨世功名之會氣習卑卑甚矣
均之無取乎爾也全才信自古稱難
哉惟我

東陽王襄敏公全集

序

熙朝

列聖御天薰蒸漸漬之仁溥弘時夏
黎陽王公崛起大任髫年卽奮身甲
第歷躋顯榮中遭萋菲編置楚安陸
老而好學不倦擣辭拔藻品格直逼
盛唐今篇章具存其忠君愛國之心
懽惻流溢雖流離顛沛中初無纖毫

尤人忤怨意平生談笑怒罵渾然天
成矩度不假匠鑿若是賦才之奇而
功日懋也先年實錄一切污穢嗣人
以昭雪跡上隨蒙俞允下史館削去
公之心事庶皎如星日而無憾於九
京矣嗚呼豪傑瑰琦之士何代無之
崇功酬報之典亦何世無之考之書

非陽王受錄

序

英廟朝東鹿王公以滇南莊浪之捷
剖土封靖遠

世廟朝餘姚王公以戡定宸濠封新
建威寧公塞上却虜身冒矢石功勝
七十餘戰邊人抵今談之莫不勃勃
傾竦動色而鐵券空存子孫零落不
偶往聞之於京邸中蕭條貧窘有空

乏不忍言者樂郤降爲阜隸叔向寧
無於邑慨嘆之懷耶茲因輯其散帙
彙次成編而併及之知公宏偉不群
褒崇有待者如此異日史氏倘搜羅
故典因之詢訪藹蕘未必無葑菲采
擇也若其功勒彝鼎旂常光耀今古
以伸雪耻除克之志則西涯后渠諸
公業已詳備他傳記矣春禽秋蛭不
敢復效喧聒以取媚也

萬曆乙酉初夏之吉後學王鳳竹書
于川南行省別署

王襄敏公集題辭

天雄赫瀛曰余讀襄敏公集而重
有慨於斯人也扶輿之氣融為材
賢亘數百年而始厚一豪傑士彼
豪傑者指麾顧盼幸敷勛業諧吐
謹諛皆成文章獨其學術之茂人
品之奇哉蓋猶有天趣焉余如襄
敏公起家順成間踪蹟卓犖爭業
閱鉅語在

國史中不殫述述其集中所載若諸
奏疏皆摠忠見悃倚馬屬詞不為
粉澤態而其襍議之文又皆言泉
思風浩若東注與古聞家爭雄乃
其長篇短什春容雄渾曷嘗強事

俳比贅為咭咄斤斤如墨士行哉
而意愜情流字字欲飛昔人所稱
光燄萬丈長者猶自謂新詩改罷
自長吟乃公則縱筆所如其光燄
天儻所云扶輿篤厚自有天趣者
不其然邪雖然

本朝局躰一變於北地生而海內人

士稍受穎質輒晞聲摹架學為古
文詞輒近世所稱人材大都若斯
矣藉令當事能如襄敏公可以雍
雍按藻亦可以烈烈勛時者乎又
藉令身率三軍決勝千里能如襄
敏公克掛印將軍者三親戰陣者
百馘虜者千餘計乎公天挺人豪

其氣完其神裕故其建立鞶蓋出
將入相文武全材匪徒以文見也
余生其鄉心切尚友柰何成李之
勲無能為其後即詩翰亦散逸無
傳迺集所為文與詩賦若干篇懸
書四方夫言可偽而神不可偽也
今其書具在試窺神理果若世人
所嫌濡需者流邪夫今雲中上谷
互市難以久恃醜虜終為國患抱
隱憂者每切駘駘之思噫安得公
復生其時而再見靖虜之偉畧也
讀謁岳王祠所作吾於公重有感
焉是乙酉歲之夏五月甲子

威寧伯王襄敏公傳

公名越字世昌濟人景泰二年進士廷試時風塵蔽天聰公卷去監試陳御史為請得再給卷初為御史有名天順四年超陞山東按察使七年陞右副都御史巡撫大同成化元年請告還京去還家三年

物乃三卷六十一

傳

召署院事六年禦虜延綏有功轉左又以黃草梁功陞右都御史八年以寧夏功轉左明年出延綏搜套搗虜巢斬首二百八十加太子少保還掌院事十三年加太子太保兵部尚書兼憲職十六年出大同禦虜時汪直專喜事開邊直薦

公及保國公永遂與直統兵而西
未至榆林虜大掠出塞公曰受命
討虜無俘獲何以報班師遂與直
永議潛師出塞至威寧海與虜戰
斬首功四百封威寧伯食祿千貳
百石與世券仍左都御史掌院事
十七年出寧夏尋珮征西前將軍

印克總兵鎮大同移鎮延綏斬虜
首功加太子太傅增祿歲四百石
前軍都督府事提督團營叙一子
錦衣百戶明年言官交章劾公為
詩怨望

上怒奪公封編管安陸弘治元年陳
寃許還鄉七年又陳寃下廷議公

功過復左都御史致仕十年虜大
入塞陝西急起總制寧夏甘涼諸
路軍務并經略哈密召至陛見加
太子太保公有才略著威望再起
益奮勵出塞襲斬賀蘭巢虜奪還
掠我人畜加少保兼太子太傅十
一年卒軍中贈太傅謚襄敏王文

恪公曰世昌紅藍池劫虜取勝本
兵家奇術議者往往黜其功崔文
敏公曰少聞世昌文武大略比入
翰林人多言其任術不足數及修
太陵實錄得見國史知其塞上功
甚偉世昌姿表奇邁慷慨自許論
議英發見事風生久膺師寄歷西

北諸鎮身經百十餘戰其於邊禦
險易虜情真偽將品士勢定諸胸
臆覈如示掌出奇取捷虜成發中
顛倒才智柔馴辨強皆樂為之用
效之者皆自以為不及其所見所
執壯老一致雖罹挫劔而志不少
衰善獎拔士類嘗特薦楊守隨作

鍾屠濟王睿四御史健將武校多
出其門又長於史事判案章奏口
占授史曲當事情博學多聞凡兵
法射藝象緯堪輿之說罔不該究
為歌詩雄邁跌宕若不屑意睦族
敦奮賙窮恤貧援接卑幼如恐不
及

海鹽鄭曉

奉而聖命



東陽王襄敏公集

卷四

奉

天承運

皇帝制曰朝廷設監察御史欲其振紀綱而勵風俗
以弼成國家之治厥任匪輕爾山東道監察御
史王越發身甲第擢職霜臺風裁振勵茂舉厥
官既歷歲年宜旌勞勩是用進爾階文林郎錫
之勅命以示褒嘉夫官以察為名以言為職在
明大體而畧細故扶君子而抑小人其益端爾
志堅爾守毋私于法毋撓于勢毋計以為直毋
苛以為能明以燭之公以行之懋脩不懈益勵

于行尚有顯陟以待爾成欽哉

奉

天承運

皇帝制曰儲貳有資於保輔可無其人都憲實掌乎紀綱允為重任能兼之固難其選必得焉乃愜朕懷肆簡周材俾膺兩職咨爾太子少保兼都察院左都御史王越發身科第擢任憲臣遷長外臺蚤樹風霜之操撫巡重鎮久彰文武之才三任叅贊兩膺總督或轉戰邊陲而腥羶汛掃或直搗巢穴而桀黠就擒敵愾之功可嘉捐軀之忠益著宜加褒典用示殊恩茲特進爾階資政大夫仍兼二職之崇祿食一品之厚提督團營總司邦憲於乎朕欲夷狄畏服爾尚據料敵制勝之謀朕欲海宇澄清爾尚厲指佞觸邪之志忠誠一節始終弗渝徃玆汝諧毋替朕命

弘治十一年三月

日

制 誥 寶

太子太保威寧伯兼都察院左都御史王越誥券

制曰抱脩能者必成其功信窮爵者必延于世此今

昔之人同榮而使事之道各盡亶出至公允惟

成式咨爾太子太保兵部尚書兼都察院左都
御史王越器質明偉才學優弘少擢賢科高登
制舉監察壹道謏彰譽諤之風廉訪臬司肅清
齊魯之甸晉副都憲薦掌臺綱或撫臨雲內或
總鎮關西在邊來往者十二三年兵民咸沐其
惠與賊攻戰者百七十合戎王亦在所殪計武
烈不減漢朝之衛霍臣論文事無慚宋室之范韓
晚加宮保之秩旋兼司馬之權邇者載統一旅
之師徑造威寧之海踏碎疆廬斬虜首如截瓠
蹂殘餘孽掃腥膻似拉枯天威大振朔漠一空

皇朝三才集

卷文

三

捷章未聞朕心嘉悅爰遵

皇考已行故事庸茂明且特封爾為奉天瑤衛推誠
宣力守正文臣特進光祿大夫柱國威寧伯食
祿一千二百石子孫世世承襲其太子太保兼
左都御史如舊嗚呼望泰山而立誓指黃河以
為盟山無盡時河無竭日我國我家惟股肱心
膂是任爾身爾後惟忠君愛國是圖金石同堅
聲徽有永欽哉

券文同但於子孫世世承襲下增仍與爾誓
除謀逆不宥其餘雜犯死罪本身免貳死以

報爾勲

制 誥

成化十六年四月

日

之 寶

太子太保都察院左都御史王越誥命

奉

天承運

皇帝制曰宮保竊階望實隆于輔翼都臺峻秩任獨
總乎紀綱苟非超邁之才曷副兼資之重爾太
子太保都察院左都御史王越早登甲第遂擢

文選之彙錄

書

四

臺官出長臬司旋升都憲三階歷轉未辟屬而
克振朝綱九伐用張涉夏卿而仍司風紀載加
儲輔極品是躋總握戎機茂勲薦策蓋其器資
閎偉材識精明肆閱歷之既深致聞譽之益著
顧采芑之猷方壯而投筆之志未酌畎畝就閒
又遂家居之樂邊疆再起允諧廷議之公追敘
往勞特頒新命是用進爾階光祿大夫勲柱國
於戲子歆壯北門之威爾惟鎖鑰予欲破西賊
之膽爾惟甲兵勉竭忠誠用光寵錫欽哉

制誥

弘治十年二月

之寶

奉

天承運

皇帝制曰人臣建事常思沒世之名君上報功尤重
責終之典義關激勸古有舜章爾故少保兼太
子太傅都察院左都御史王越器宇恢宏性資
英敏早策賢良之舉蔚有時名屢更風紀之司
效其政譽西陲持節北鄙宣威一弛一張乃兼

黎陽王表敘集

誥命

五

資於文武或仕或退將任意於行藏人亦有言
老當益壯三邊再領增部典之光華獨坐仍兼
彰元戎之節制疇茲公議可謂能臣金印初懸
玉關在望閔時多事每興拊解之思念先音聞
可吝易名之寵茲特贈爾為太傅謚襄敏於戲
懋官懋賞三公可視為虛銜有實有名一字豈
容於溢美明靈不昧顯命其承

制誥

弘治十二年十二月

寶



黎陽縣志卷之五

職官

一

中景泰庚午北畿經魁

管辛未科進士第

初任浙江道監察御史

二任山東道監察御史

三任山東按察司按察使

四任巡撫大同右副都御史

五任巡撫延綏左副都御史

六任總督軍務右都御史

七任都察院左都御史掌院事

八任太子少保提督十二團營

九任太子太保兵部尚書兼都察院左都御史

十任奉天瑯衛推誠宣力守正文臣特進光祿大夫

柱國威寧伯食祿二千二百石太子太保尚書兼左都御史

十一任太子太保威寧伯兵部尚書兼左都御史歲增祿

米四百石

欽給券文着做五軍營總兵前府管事是

年八月為因許寧等大同失機權臣諷臺臣承意挾
讐架捏妄奏安置湖廣安陸州七年弘治改元放回
准左都御史致仕

十二任弘治己陝西邊大擾 詔如李太保左都御史總制三邊

十三任加少保兼太子太傅都察院左都御史卒於官

諭祭九壇 贈太傅謚襄敏公

按曾大父自天順七年二月起至弘治十二年十

二月止在邊歷任四十餘年凡進階具由功陞

身臨戰陣一百九十四次 生擒達賊二百二十九名

斬首二千三百五十五顆 奪獲戰馬千九百九十八匹

黎邑三聖堂集

卷八

駝二百四十二隻

牛羊五萬五千四百餘隻

奪回被搶人口二千七百名

奪獲盔甲器械旗纛縣印算

奪回被搶牛羊騾馬等畜三千二百二十有餘

掛平胡將軍印克總兵官移鎮大同

掛征西前將軍印提督京營并宣大各路軍馬

掛靖虜將軍印克總兵官鎮守延綏地方

特勅獎諭二十餘次

太傅王襄敏公年譜

宣德元年丙午公考願母張氏十一月初五日亥時
生公於濟縣丁未戊申巳酉庚戌辛亥壬子公年
七歲姿表竒邁穎悟過人讀書過目輒不忘癸丑
甲寅乙卯公年十歲公考爲公扶將鸞以下終身
關武安王降筆時供五香酒王出對云兩手禽來
五香酒一吸三盃公即對云九天降下一元帥千
變萬化又降詩末句云烏臺御史都堂職守已存
心樂聖朝公初名悅王又降筆改云喜悅之悅不
若超越之越字世昌其名名字皆神所命云

黎陽王襄敏公

年譜

一一

正統元年丙辰丁巳戊午巳未庚申辛酉壬戌癸亥
甲子乙丑丙寅丁卯戊辰巳巳

景泰元年庚午公年二十五歲以易經中順天府鄉
試第三名辛未公年二十六歲會試中第三十三
名廷試時大風颺公卷半空去監試官入奏禮部
再給卷惟公卷獨長識者以為出衆之兆本年除
浙江道監察御史壬申公年二十七歲巡按四川
公警懼貪污激濁揚清議論英發見事風生衆皆
敬服癸酉公年二十八歲丁父艱回原籍守制甲
戌乙亥丙子公年三十一歲服滿起復除山東道

監察御史左都御史寇公深凡諸道奏牘必令公
詳定方當其意

天順元年丁丑公年三十二歲

英廟復位見公奏對明暢目屬之戊寅己卯庚辰公
年三十五歲超擢山東按察使當時稱其深得憲
體辛巳壬午癸未公年三十八歲大同有警當道
舉可為巡撫官者

上以其人貌寢意在公徵為右副都御史及
召於文華殿面諭賜鈔二千貫公力修廢政為改守
計邊人賴之本年丁母艱回原籍守制奉

聖旨

聖旨

二

聖旨邊上用人急王越着奔了喪便去巡撫欽此差
官催促起程並

諭祭母張氏一壇甲申

成化元年乙酉公年四十歲奉

勅獎念勤勞賜銀二十兩表裏二副復奉

勅諭邊務等項事情聽爾便宜處置欽此丙戌公年
四十一歲例當考滿具題奉

聖旨就彼復職管事欽此備行復職欽遵丁亥公年

四十二歲時虜犯滑石嶺大鹽房豐稔山公與虜
交戰七次生擒十二名斬首三十顆奪獲馬牛羊

四百三十二匹頭隻盈甲子箭等項一千一百餘件奉

勅獎諭足見爾調度有方朕深嘉悅庶副委托之重復節該奉

勅四次賜銀壹拾兩綵段三表裏戊子公年四十三歲赴京議事時公有疾

上命醫視疾遣中官慰問至再奉

勅仍巡撫大同地方己丑公年四十四歲虜犯雙上山黃土坡公與虜交戰十三次斬首六十顆奪獲馬騾百餘匹盈甲器物九百餘件節奉

襄陽三襄敏公集

左詩

三

勅獎諭三次賞銀伍兩綵段二表裏移鎮延綏庚寅公年四十五歲虜大舉入犯崖窰川黎家澗馬連要黃甫川等處公出塞至虜帳搗巢穴與虜大戰十五次生擒四十餘人斬首加百奪獲馬騾三百餘匹盈甲子箭等項四千餘件追回被虜男婦二十三名口牛羊等畜二千餘頭隻以大捷聞節該奉

勅獎諭見爾謀勇可嘉茲特降獎欽此陞左副都御史本年虜犯張厚家川開荒川波羅堡地方等處公與虜交戰二十次生擒七名斬首一百四十顆

奪獲馬騾一千七百餘匹器物一萬餘件追回被
搶男婦二十餘名口牛羊等畜八百餘頭隻節該
奉

勅獎諭三次見爾調度得宜善於用謀致此克捷陸
右都御史辛卯公年四十六歲虜犯木瓜掌高千
戶澗蘆灘兒蚰蜒嘴蘆溝兒等處公與虜戰三十
次生擒七名斬首一百五十六顆奪獲馬騾五百
五十六匹器物一萬餘件節該奉

勅獎諭公具奏奉

勅延綏地方殺賊其大同一應軍務乞另推官代替

襄陽王奏錄公集

全譜

右都御史林聰大同巡撫本年虜犯魚兒河等處
公與虜五次交戰生擒一名斬首三十顆奪獲戰
馬七十八匹器物六百餘件具奏節該奉

勅足見爾運謀奮勇致此克捷朕深嘉悅特賜獎諭
賞銀伍兩彩段二表裏本年虜犯木瓜山駝兒溝
三山兒天水頭斬首五十四顆奪獲連馬一百二
十八匹器物二千餘件追回被搶男女十餘口牛
羊等畜二千餘隻節該奉

勅獎諭

壬辰公年四十七歲虜犯陳家井小蒜澗等處公

與虜戰十七次生擒十二名斬首七十四顆奪獲
駝一隻達馬二百四十四器物一千七百餘件追
回被搶馬騾驢牛羊等畜二千餘頭隻節該奉

勅爾在彼經營戰守晝夜勤勞朕深嘉悅特賜爾綵
段二表裏銀二十兩以慰爾勞欽此欽遵復奉

勅命公便宜處置自叅將以下不分把總領軍都指
揮等官就于軍前斬首然後奏聞以寬朕西顧
之憂本年回京議安邊籌策早朝

見賞銀三十兩綵段二表裏行賜羊酒

召至文華殿慰勞着在都察院管事節該奉

張陽王奏敘合集

年譜

五

勅諭近者虜酋潛住河套以爾熟知邊情軍務聽爾
便宜處置或分兵以邀其歸路或出奇以撲其老
營斯為上策欽此欽遵當日早

辭賞銀三十兩綵段二表裏兵部開奏魚兒河等處
功復賞銀十五兩綵段三表裏本年虜犯半箇城
好地窰紅寺兒然房溝竇家溝郭家溝高地掌通
賊山口高峰子澗歡喜嶺鴨子湖黃甫川高橋兒
等處公與虜交戰生擒五名斬首二十四顆奪獲
達馬牛羊等畜一千九百匹頭隻器物七百餘件
追回被搶男女十六名口牛羊等畜一千九百頭

隻節該奉

勅獎諭

癸巳公年四十八歲虜犯榆林城大柘油川柳樹
會老虎溝韓家塢公與虜交戰十三次生擒二名
斬首二百三十八顆奪獲駝二隻馬六百五十三
匹牛羊等畜二萬八千四百五十餘頭隻器物四
千六百餘件陞左都御史虜犯榆林澗臭海子公
復敗之生擒十名斬首三十顆又於紅城兒花馬
池等處生擒一名斬首一百五十顆馬牛羊十三
萬有餘追回被搶男婦一千九百三十餘名口節

東陽上襄敏公集

卷八

十一

該奉

勅獎諭勤勞本年虜酋乜加思蘭滿都魯字忽往西
搶掠遺巢穴於河套公以虜居河套出沒無時邊
坐竝大困乃選精騎萬餘自出塞齎七日糧晝伏
夜行每二舍留兵百人使休行數夜兼行五百里
直抵紅鹽池至虜帳萬騎齊躋之縱火且擊且射
斬首三百四十餘顆生擒七名奪獲駝一百三十
三隻馬一千三百二十餘匹牛羊一萬六千餘頭
隻器物一萬八千餘件焚其巢穴無遺比午虜自
外趨歸悉力追軍公結陣徐行殿者與戰及前伏

兵起又與虜戰虜再遇伏知我有備乃大慟渡河而遯自是邊方無患者二十年奉

勅具見爾運謀奮勇成此大功朕深嘉悅特茲獎諭以慰爾勞欽此復降

勅再獎諭

甲午公年四十九歲奉

勅固原任劄總督各路軍馬兼管錢糧總兵巡撫等官悉聽節制便宜處置欽此欽遵加公太子少保陸倖一級以賞紅鹽池等五處功公因連年在邊戰守致成傷勞吐血頭眩左手麻痺乞回陝西養

黎陽王襄故公集

年譜

七

病

上命醫馳驛去調治復

召至京命太醫院調治賜下程酒米等物者至再

乙未公年五十歲奉

聖旨太子少保兼左都御史王越不妨院事着提督十二營操練軍馬當日具本辭免其任

上以卿諳練軍務特茲委任不准所辭欽奉

勅諭革科擾占役之弊軍政為之大修

丙申公年五十一歲因前病舉發蒙

聖恩賜下程酒米等物

丁酉公年五十二歲公乞退休奉

聖旨卿司風紀兼理兵政當勉修厥職不准所辭命
公掌都察院印兼提十二營公奏恐顧此失彼有
負軍國重寄辭兵政不允

上御文華殿念公教場風寒賜鱗衣玉帶加授散官
勲階資德大夫正治上卿公具前項成化九年深
入河套紅鹽池等處撲賊老營斬獲首級官軍兵
部勝隴具奏止准七十名顆陞授其餘一百八十
餘顆俱作給賞內有一百餘顆不知作何除去乞
勅兵部查照前項官軍原入河套擒斬達賊未曾陞
黎陽三乘敏公集
授逐一查出定擬上

請伏乞

聖恩憫念官軍遠入賊巢斬首微勞准陞一級本職
承乏總制職分當為豈敢言功願將先加太子少
保并俸一級

恩命收回等因具題

聖旨兵部還通查勘明白來說欽此兵部為公仲寬
奉

聖旨這起官軍撲賊老營擒斬功次比常不同都准
擬陞授王越既首先運謀其功可嘉太子少保陞

兵部尚書還加俸一級仍兼左都御史照舊管事
公辭免俸職具題不允

戊戌公年五十三歲

欽賜蟒衣鸞帶陞太子太保兼職如故當日辭免加

陞官職奉

聖旨卿受朕委用歷事年深特茲加陞所辭不允

己亥公年五十四歲奉

聖旨大祀

天地壇外各營探隊官軍着尚書王越提調管理務

要整肅

黎陽三委祭集

八千語

九

欽賜盔甲繡春刀蟒龍衣再

勅清理軍政以備北虜六月內仍賜羊酒瓜果米菜

等物并北京十景牙骨扇一握描金香墜一箇時

撫宣侯朱永題先克總兵官同右都御史王越在

陝西榆林城開荒川等處有功遂准公次子王時

錦衣衛百戶世襲十月內會選軍馬

賜羊酒銀三十兩蟒龍衣段二表裏仍賜飯五軍營

撥軍伴四十名應用

庚子公年五十五歲時天下大水公陳言彌災保

治事舉御史四人屠瀟侶鍾楊守隨王濬可大用

後皆著名時虜潛入河套侵犯榆林東西二路
民被其劫掠

上慮恐久住套中命公同保國公朱永等出塞禦之
賞銀五十兩鑄龍衣四表裏虜聞公威名先已遁
去公曰受命討虜無俘獲何以報班師乃與永議
出大同至威寧海勝虜營所在亟帥兵擣之生擒
男婦一百七十餘名口斬首四百三十餘顆駝馬
牛羊六千四百餘頭匹隻器物壹萬餘件焚其巢
穴餘虜遠遁以大捷聞恐有遺虜復命他將於紅
崖兒獅子衝等處與虜交戰生擒十名斬首二十

黎陽王集敬公集

五十一

六顆奪獲馬三十五匹器物四百餘件節諫奉

勅獎勵以見爾悉心竭力成此奇功朕甚嘉悅特茲
獎勵以慰忠勤具奏班師回京二次

欽賞銀八十兩蟒龍衣八表裏玉帶一條封公奉天
朔衛推誠宣力守正文臣特進光祿大夫柱國威
寧伯食祿一千二百石本身免二死子孫世襲三
代一體追封給與券誥公具本辭爵奉

聖旨卿抵巢殺賊奇功可嘉特茲陞爵用酬前勞所
辭不允欽此復命公掌都察院印團營照舊仍賞
銀二十兩紵絲二表裏公

進威寧海等處獲到駝馬牛羊等物復

賜羊酒等物以慰勞之

辛丑公年五十六歲時大同邊報甚急

上命公征勦賞銀五十兩綵段四表裏鎮守總兵等官悉聽節制公至大同到白狐庄遇虜大戰從朝至暮生擒十名斬首一百一十餘顆奪獲馬七百二十餘匹牛羊等畜二千四百五十餘頭隻器物六千二百餘件具奏奉

勅獎諭回京面

見賞銀五十兩綵段二表裏

黎陽王襲繁集

年譜

十一

廷議伯以上不得進封加太子太傅歲增祿米四百石總五軍營兵署前軍都督府事提督團營官其子王昕錦衣衛百戶世襲宣府邊報甚急

上命公掛平胡將軍印賞銀五十兩綵段四表裏虜聞公至潛遁去復奉

勅掛征西前將軍印移鎮大同仍提督京營拜宣大各路軍馬鎮守總兵巡撫等官悉聽節制

壬寅公年五十七歲欽奉

制勅掛靖虜將軍印移鎮延綏公分布諸將官要害處住扎遂敗虜於清水營偏頭關黑石崖等處共

生擒四名斬首三百二十四顆奪獲達馬七百四十餘匹器物二千餘件奉

勅獎諭

癸卯公年五十八歲內閣大學士萬安忌公功名太盛許尹給事以通政許汪御史以僉都諷諭論公生事夷狄作詩怨望罷公為民謫居安陸人皆惜之然畏權臣無敢言者

甲辰公年五十九歲時居安陸結屋山岩下閉戶讀書郢人高公節操至今以為美談其吟咏諸作皆為刊行

黎陽王襄敏公集

全譜

二十一

乙巳公年六十歲公以心事未白具奏訴冤枉當時權奸黨類則以飛謗排阻恐公論不平群小作為野史小說誣公結交江直以惑後世以實其言丙午丁未

弘治元年戊申公年六十三歲時群奸罷序

孝皇御極公乃陳奏臣原籍直隸大名府濟縣人由進士歷官太子太傅威寧伯五軍營總兵官提督十二營操練軍馬成化十七年奉

命征勦虜寇事完就大同充總兵官十八年改克延綏總兵官十九年大同地方失機與臣並不相干

不期三五嫉臣者不由衆論棄機捏造連坐虛文
大要結交汪直引惹虜情驟隴妄

奏發安陸州為民臣思汪直行事之時並不相識管
軍之後係在同營如何謂之結交見有原跟隨本
官之人并年月先後可以查照虜衆化邊屠殺慘

酷

訓廷命將征勦名正言順如何謂之引惹見有京營
出征官軍並在邊將士可以查審若汪直行事臣
有一毫干涉達賊不曾擁衆搶掠罪甘萬死無辭
及至具實陳訴又被巧為飛謗排阻以致未蒙

教陽王案錄

生詰

十一

俞允人所共知自是隱忍不復敢言恭遇

聖明御極兩頌

大赦萬物維新口外克軍為民者皆得放免臣又無
寬宥之條情可矜察今群小已退賢俊並興言路
大開公論有在臣于此時方敢陳其大畧干冒

天聽至於備細情節具在前次本內開照明白不敢

輒再煩瀆竊念臣性素愚昧在邊止知殺賊存內

止知執法不能隨時委曲以避禍機是雖人所陷

害亦臣之所自召云再思臣向在邊方往來二

一年每懷北虜逆天之警恨不殄滅種類以快天

下萬世之心是以簡練士卒區畫糧草修築墩牆
改造軍器晝思夜度未嘗休息一遇有警身不離
鞍馬手不離弓矢或連日不脫衣甲或終朝不得
飲食寄存亡於呼吸之間決成敗於指揮之頃百
苦備嘗九死不悔經歷戰陣豈止數十之多擒斬
虜寇可及數千之衆奪獲駝馬約以萬計盔甲器
物約以數萬計追回被虜人畜三十餘萬奉

勅獎諭十七八次漢庭節修

進貢之儀河套久無住牧之患顧臣犬馬之愚頗曾

效此微勞伏望

聖恩察臣裝誣之

屈憫臣

征戰之勞

放回原籍以終

殘年雖草茅無用苟延虛負於明時若泉壤有知
圖報敢忘于再世臣寃深情迫昧死上陳

詔許還濬已酉庚戌辛亥壬子癸丑

甲寅公年六十九歲公以群奸雖已罷斥誣枉恐
尚未明復奏為挾私裝誣以功作罪陷害一家久
屈無伸等事臣由進士歷官封爵其間自右都御
史兵部尚書太子太傅威寧伯正一品俸俱是軍
功挨次陞授蒙恩最深守邊最久彼時沿邊止挑
壕塹臣則創築高牆一二千里各路止守舊城臣

則創立新堡數十餘座空遠處添墩地平處掘洞
崖險處剗窪改造兵甲精選人馬嚴烽堠足糧草
凡可禦敵之具晝思夜度竭盡心力未嘗安處一
聞有警身先士卒犯危冒險百戰不辭擒斬虜寇
數千奪獲駝馬加倍追回被捨人畜三十餘萬軍
器等項不計其數又征西五六年出境數百里掃
清河套久無邊患奉

勅獎諭約有二十次百苦備嘗九死不悔建立微功
豈期名立毀至功成禍隨總兵官許寧都御史郭
鐘在大同失機與臣並無相干而嫁禍者誣以引

襄陽王襄毅公集

年譜

一五

惹之名汪直在西廠行事與臣並不相識而造言
者誣以結交之辭蓋以汪直之讐家即許寧之私
援出此入彼皆以成爲奇貨威逼勢挾不敢分辯
徑謫湖廣安陸州爲民又捏臣男指揮王春威寧
海冒報功次驟陞數級亦革爲民又逼挾臣次男
都指揮王時百戶王昕自陳辭職隨養既害其父
又害其子既害其兄又害其弟天理人心實難泯
滅姑舉略節究情上達

天聽當時虜舉國在威寧海住牧不數月而捨擄
四邊原征官軍萬目共覩

朝廷特命聲罪致討名正言順如何謂之引惹况此舉之後臣又連年領兵截殺走回人口與生擒達賊並無報讐之說緣何直待許寧等失機方有引言威寧海以前逾年搶掠臣以征勦更是何人引惹汪直行事之時臣方回京未嘗一識面貌見有原跟校役人等備知其詳其隨行之人多係臣同僚屬官臣亦具奏辨職如何謂之結交汪直又差人接連訪察臣事因無違犯僅得脫免後管征操係是奉

命同事官員豈是結交臣男王春患病在家若曾出

欽陽王叢錄

卷一
年譜

十六

征必有起馬關文若曾冒報必有紀功文冊若曾驟陞必有陞官勘合一查即見最爲明白及男王時自幼跟臣出入行陣親獲功次挨陞前職王昕以臣有邊功文臣不許封侯得以廢襲百戶此係特恩難比常例陞授又累蒙

赦宥軍職爲事克軍亦皆復職豈有無罪被害自陳

辭者不在宥免之內又伏覩大明律內有議功議

能之條臣雖無功頗効微勞臣雖無能未嘗敗績

軍職者有犯下至鎮撫亦皆論功定議及今有一

勞一捷者子孫皆蒙

恩澤臣之功罪中間豈無定論况臣父子實無罪犯其禍起於汪直成於許寧等今聞許寧復職待缺郭鏜陞任方面汪直亦蒙

恩典事內毛倫係男王春同起爲民人數亦克叅將則臣之父子平空被其陷害豈容無辭先曾累訴寃枉止緣拘於成案未蒙伸理且臣放回原籍害臣者又皆相繼黜罷正公道大明之時伏望

聖恩憫臣守邊年久頗積微勞一家父子無辜被害乞

勅該部勘誣情於公論之中求實跡於虛文之外明

魏陽王襄敏集

全詩

一十七

白擬議奏請

聖裁俾臣父子得以洗雪前寃臣甘老田園死即瞑目豈敢別有希望哉於是

朝廷公議復公左都御史致仕乙卯

丙辰公年七十一歲虜大入塞陝西報急監察御史楊遜乃上疏其略曰北虜犯邊有不臣之心今任將官者安邊無一策之長上貽

聖憂臣居言路知而不言責所難免况值多事之秋寧無一得之獻臣敢以當時急務而略陳之且急務莫先於用人若致仕都御史王越能文能武有

智有謀囊有威寧之功。反遭惹囊之謗。即今年雖老而謀猷甚壯。時未用而忠義常存。伏望

陛下委以兵權。以南京戶部尚書秦綏侍郎劉大夏。素有才猷。老練事體者。協理庶務。而叅贊之。付以便宜重權。大發精兵一鼓而擒之。夫何難哉。此則王越所優為也。緣係急先務。以靖邊患。事謹具

奏聞

戶部辦事進士馬文盛亦上疏。其略曰。今大同等處。達賊犯邊。聲息之報。竟無虛日。非將帥得人。何以克大敵而成大功哉。今高堂拱

黎陽秦敏集

年譜

堯舜之君。密席坐韓岳之臣。能取其長人。皆可用。但

素取信服虜人者。臣竊有見於今之致仕都御史王越焉。亦嘗與西北之功。虜人素所信服。是以越雖數年林下。虜人慕英風而膽落。想威雄而股慄者。蓋嘗多也。用斯人以將兵。或有不待戰而自相悅服者。方今用人之急。所取者智勇而已。豈可以小嫌廢其長才。或非當時急務之公論也。臣又見今都察院照磨李晟。粗知兵事。尚爾用之。况越之才。又非李晟可彷彿。其萬一誠所諱事。在易而求諸。雖也。議者又謂越嘗起邊釁者。皆以為越之過。

息邊患者越豈無分寸之功哉前日之啟釁固越也今日邊庭之肆侮者又何人斯是則衆人之議或未公也臣與王越出處之先後不同仕進之早暮亦異既無一面之識又無一日之雅豈故為是妄舉斯人求媚於世以拂衆人之性哉但念祖宗創業之難慮

皇上國家之大耳聞目擊焉能已於言乎伏望

勅王越以統軍衆不沮於衆人之言不避其謗毀之嫌則邊患可息大功可成

社稷幸甚天下幸甚

魯陽王襄敏集

年譜

十九

兗州府同知陳言十事亦首薦公誣枉始明矣

丁巳公年七十二歲陝西三邊大擾兵部言宜得

重臣專任其事僉舉二人皆弗稱

肯復以公對乃許之亟召至京引見勞賚

恩禮殊特加太子太保總制甘肅寧夏延綏軍務鎮

守巡撫等官悉聽節制公累辭不允事有未盡便

者請易置之乃行節該

勅諭其賀蘭山後乃虜巢穴累次寇邊皆自彼而入

使其居住年久熟知地方或誘引北虜大衆或招

來野也克力等夷為患不小爾須運謀追勦毋令

滋蔓欽此欽遵公遂帥兵擣其巢穴自三月二十三日晝伏夜行至二十九日入山其路單夾入馬挨次而進且高處若登天深處如下井陡崖亂石寸步難行五更時始出山乃遇虜大戰斬首百餘顆奪獲馬駝牛羊一千餘匹隻追回被搶男婦百餘名口器物一千八百餘件焚其廬帳餘虜號哭放火西去以大捷聞

上降勅獎諭加少保兼太子太傅左都御史如故總制三邊軍務經略哈密是年虜遣人貢馬邊患息矣

黎陽王妻敏公集

卷三十一

三十一

戊午公年七十三歲公上疏言哈密屏我為外藩向為吐魯番所破逐其王久弗繼自臣到彼番首引罪還所侵地宜封其故王以守之具見公處置夷情復國土以繼封爵疏內是年十二月初一日公卒是日朝廷報到甘肅悉依公議訃至京師上為震悼輟視朝一日贈太傅謚襄敏公給驛歸其喪遣宦

諭祭九壇遣進士王守仁督令有司營治葬事廢其

孫王烜國子生

附錄

○侍御大任王公瓚嘗觀

皇明通紀傷公被誣有詩內一聯云陳壽更成三國志武侯難白九原心

○別駕龍川孟公思亦傷通紀之誣有詩其後云漫把旌旗空塞北豈防蕙苒誣征南英雄不理時人口痛哭中山謗書函

魯孫教授王紹雍

玄孫舉人王正蒙

編次

